

Kaunseling mampu atasi masalah seksualiti

SERDANG: Tan Sri Muhyiddin Yassin yakin pendekatan kaunseling yang berkesan mampu mengelak gejala negatif termasuk permasalahan seksualiti daripada menular dalam masyarakat.

Sehubungan itu Timbalan Perdana Menteri menyarankan aspek latihan kaunselor ditambah baik bagi melengkapkan kaunselor dengan kemahiran terkini dalam usaha menangani pelbagai cabaran baru dalam bidang kaunseling.

Katanya, gejala keclaruan orientasi seks seperti lesbian, gay, transeksual dan biseksual (LGBT) yang dulunya berkisar dalam masyarakat Barat kini berlaku dalam masyarakat tempatan, sekali gus boleh mengancam institusi kekeluargaan.

“Amalan yang bertentangan dengan nilai moral, agama dan norma masyarakat kita mesti ditangani secara bijaksana,” katanya pada majlis pelancaran Karnival Pendidikan dan Kerjaya Kebangsaan serta Seminar Peningkatan Profesionalisme Kaunseling 2012 anjuran Persatuan Kaunseling Antarabangsa Malaysia (PERKAMA) di Universiti Putra Malaysia (UPM), di sini, semalam.

Timbalan Perdana Menteri turut mengumumkan peruntukan khas RM100,000 kepada PERKAMA bagi membantu persatuan itu melaksanakan aktiviti berkaitan pembangunan profesionalisme kaunselor di Malaysia.

Muhyiddin berkata, dengan perkembangan dunia maklumat yang semakin pantas dan gaya hidup masyarakat yang semakin rencam, gejala negatif mudah menular dalam masyarakat disebabkan kelemahan diri untuk menguasai keadaan.

Katanya, mereka yang mengalami masalah kurang daya tahan perlu dibantu dan dibimbing supaya dapat bertindak secara waras dan bijak dalam menangani situasi



Amalan yang bertentangan dengan nilai moral, agama dan norma masyarakat kita mesti ditangani secara bijaksana



Muhyiddin Yassin
Timbalan Perdana Menteri



● AIZUDDIN SAAD | BERITA HARIAN

MUHYIDDIN melihat kebolehan teknologi pen membaca ayat al-Quran sambil diterangkan oleh Ketua Pegawai Eksekutif AJV Velastar Berhad, Amran Ahmed (kanan) di Serdang, semalam.

yang mencabar.

Untuk itu, katanya, kaunselor adalah antara ahli profesional yang boleh berperanan secara efektif membantu mereka yang mengalami masalah kurang daya tahan diri dan daya tindak.

“Seseorang yang cekap dan berkesan sudah tentu dapat membimbing individu untuk menguasai keadaan hidup mereka dan seterusnya mengambil tindakan rasional demi kebaikan diri, keluarga dan masyarakat,” katanya.